



Sêlê tî Dafängö-ngbanga tî Dûnîa Mobimba ayeke gue na Kôdörösêse tî Bêafrîka tî têngbi-terê na âwaponön ngâ na âzo tî kôdörô nî

La Haye, 05 Fulundïgi 2008
ICC-OTP-20080205-MA07-FRA

Na lăngö 7 tî nze tî Fulundïgi, Sêlê tî Dafängö-ngbanga tî Dûnîa Mobimba (DDM) Luis Moreno-Ocampo ayeke gue na Kôdörösêse tî Bêafrîka (KBA), kôdörô sô lo zîa na sêse sâra angête na ndö tî âtënë tî âkötä gino sô asî daä.

Na tângo sô lo yeke dutî na Bangui, Sêlê tî Dafängö-ngbanga ayeke têngbi-terê na âwatokua tî âbosö tî âsiwîli ngâ na âzo tî kôdörô nî. Lo yeke pîka ânde âpätärä tî gîgî, sô ayeke vûnga nî na ndö tî rădio IRFJ. Lo yeke kîri na pekô tî âhündängö-ndo na lo yeke pîka pätärä na âzo mîngi na yâ tî Kôdörösêse tî Bêafrîka na ndö tî ngangü tî DDM na lê tî âla.

Sêlê tî Dafängö-ngbanga ayeke têngbi-terê ngâ na âkötä zo tî Gövörömă. Lo yeke gue tî bâa Biröo tî DDM, sô azî nî na nze tî Ngberere tî ngû 2007.

Biröo tî Sêlê tî Dafängö-ngbanga tî Dûnîa Mobimba avûnga lânî sango na ndö tî zîängö na sêse angête nî na lăngö 22 tî nze tî Bêlawü tî ngû 2007. Angête nî ayeke gî na ndö tî âgino sô asâra nî mîngi na tângo tî âwûsûwûsû sô asî na pöpö tî ângû 2002-2003. Dütîngö tî angête sô ayeke ndê ngbanga tî sô lo yeke na ndö tî âtënë mîngi tî âsiönî tî lăngöngö na zo na ngangü ngâ na âmbênî ndê siönî sô asâra na terê tî sêkêsê.

Sêlê tî Dafängö-ngbanga atene « *Âwâlî na gbe tî mbeto sô hûngö tî âla ahön ngangbo ahû ponö na pekô tî âsiönî sô asâra na terê tî sêkêsê tî âla* ». « *Ë mă âsango mîngi na ndö tî âsiönî tî lăngöngö na zo na bûngbi, âsiönî tî lăngöngö na zo na ngangü sô asî na hûngö nî mîngi, ângangü siönî na terê tî sêkêsê sô asâra na terê tî âwâlî, âmasêka-wâlî, âmbênî ngâ na terê tî âkôli. Âwasărängö siönî na terê tî sêkêsê, na KBA wala na ndö kûê, ayeke na hônga tî hînga âla yeke gue na dangbanga ngbanga tî âsiönî tî âla sô : âmarä siönî tîngasô DDM ayeke na ngangü na ndö nî na âwasărängö âsiönî ayeke gue ânde na dawwä tî lo* »

Biröo tí Sêlê tí Dafängö-ngbanga ayeke bâa ndo ndurü na ndö tí âsiönî sô asî na yâ tí âgbätä tí mbägë tí banga tí KBA ðipi ngû 2005. Sêlê tí Dafängö-ngbanga ayeke pîka pätärä na ndö tí kusâla tí âwalëngö tí KBA na ndö tí töküängö na dangbanga âwasärängö siönî nî. Lo yeke hûnda na âködörö tí dúnîa mobimba títene âla mü mabôko na KBA na yâ tí âkusâla tí töküängö na dangbanga âwasärängö siönî nî.

Sêlê tí Dafängö-ngbanga atene “Âmôlengê tí KBA ayê tí mã wala âködörö tí dúnîa mobimba agirisa pëpe”. Âkusâla tí ë tí särängö angête na KBA ayeke na ngangü tí bi lê tí dúnîa mobimba na ndö tí âpâsî sô âmôlengê tí ködörö nî ayeke bâa na tí mü légë hîo títene akâi nî. Ê yeke hûnda mabôko tí âzo kûê títene akâi âkpälë tí KBA. Ndongbanga tí pöpö-ködörö ayeke mbênî mbägë tí müngö mabôko nî.

Dafängö-ngbanga tí Dúnîa Mobimba ayeke mbênî boro dangbanga tí sêku sô ayeke sâra angête na ayeke tokua na dangbanga âzo sô atene âla sâra ângangü gino sô agbû bê tí âKödörö tí Dúnîa Mobimba töngana gino tí höngö-marä, âgino tí sêzo na âgino tí birä.

Tí wärängö âsango mîngi, âla hûnda na :

Yapakara. Nicola Fletcher

Wasärängö-kua na âwavüngängö-sango tí Biröo tí Sêlê tí DDM

Nicola.fletcher@icc-cpi.int

+31 (0)70 515 8071 (Biröo)

+31 (0)6 5098 0473 (pörötablë)

Yapakara. Florence Olara

Walëkërëngö-lëgë tí vüngängö-sango tí Biröo tí Sêlê tí DDM

Florence.olara@icc-cpi.int

+31 (0)70 515 8723 (Biröo)

+31 (0)6 5029 4476 (Pörötablë)